

Si Cristo nga Pulong sa Dios

Basahong Kasulatan: Juan 1:1, 3-5, 14, 16-18, 29, 32, 42, 51

I. Ang Juan 1 maoy pasiuna sa tibuok Ebanghelyo ni Juan, ug ang gihatagag dakong pagtagad ning pasiunaha mao nga si Cristo ang Pulong sa Dios—ang pagbatbat, pagpatinaw, ug pagpadayag sa misteryoso ug dili makita nga Dios—v. 1:

- A. Si Cristo nga Pulong sa Dios mao ang dakong Ako mao, ang naanaa sa Iyang Kaugalingon ug naa sa kanunay; Siya ang Walay Kataposan, walay sinugdanan o kataposan—Exo. 3:14-15; Juan 8:24, 28, 58; Heb. 7:3.
- B. Naghisgot ni Cristo ang Juan 1, nga dunay duha ka seksyon sa eternidad ug tulay sa panahon, sa lima ka dagkong hitabo sa kasaysayan sa uniberso—paglalang, pagpakatawo, pagtubos, pagdihog, ug pagtukod—itandi sa Sal. 90:1-2; Miq. 5:2:
 - 1. Ang Juan 1, nga pasiuna sa tibuok basahon ni Juan, paghanduraw man sa kasaysayan sa “nagpanaw” nga Tulo-usang Dios isip Pulong sa nilabayng eternidad, nga hingpit nga mahimong Bag-ong Jerusalem sa umalabot nga eternidad—vv. 1, 4-5, 51.
 - 2. Tin-awng gipakita kanato sa Juan 1 ang walay kataposang Pulong diha sa Iyang buhat sa paglalang ug sa Iyang pagpanaw latas sa tulay sa panahon nga mahimong unod aron mahuman ang balaodnong katubsanan Niya; mahimong Espiritung nagdihog, naghatag-og-kinabuhi, ug nagtransporma aron matuman ang organicong kaluwasan Niya; ug sa kataposan hingpit gyong mausa, masagol, ug matagik sa gipanganak pag-usab, gitransporma, ug gihimayang pangasaw-onon Niya nga mahimong Bag-ong Jerusalem, ang kinasang-ang Bethel, nga masigka-puluy-anan sa Dios ug tawo.
- C. Ning lima ka malukopong mga hitabo sa kasaysayan, si Cristo, ang Pulong sa Dios—isip: (1) Magbubuhat sa kabuhatan, (2) ang tawong nitabernaculo sa atong taliwala diha sa pagpakatawo, (3) ang Cordero sa katubsanan, (4) ang Espiritung nagdihog diha sa pagtransporma, ug (5) ang hagdan nga nagdugtong sa yuta ngadto sa langit alang sa balay sa Dios—nagbatbat, nagpatinaw, ug nagpadayag sa dili makita nga Dios—itandi sa v. 1; 10:35; Efe. 6:17; Juan 6:63.

II. Si Cristo nga Pulong sa Dios namulong alang sa Dios pinaagi sa Iyang kabuhatan—1:3:

- A. “Nagpahayag ang mga langit sa himaya sa Dios, / Ug nag-asoy ang hawan sa buhat sa Iyang mga kamot. / Namulong ang matag adlaw, / Ug nagpadayag sa kahibalo ang matag gabii. / Walay pagpamulong ug walay mga pulong; / Dili madungog ang ilang tingog”—Sal. 19:1-3.
- B. “Ang dili makita nga mga butang Niya, ang Iyang walay kataposang gahom ug diosnong kinaiyahan, tataw mang nakita sukad sa paglalang sa kalibotan, kay masabot man pinaagi sa mga butang nga nabuhat, nga tungod niana wala silay ikapangulipas”—Rom. 1:20.
- C. Ang gihisgotan sa Mga Buhat 14:15-17 ug 17:24-29 pareho rag tuyog sa pagpadayag nga namulong alang sa Dios ang kabuhatan ni Cristo—itandi sa Heb. 11:3; 1:2; Col. 1:15-17; Hag. 2:7.

III. Si Cristo nga Pulong sa Dios namulong alang sa Dios pinaagi sa Iyang pagpakatawo isip tabernaculo sa Dios—Juan 1:14:

- A. Ang Pulong, nga nagpakatawo, dili lang nagdala sa Dios nganha sa katawhan kondili nahimo pa gyong tabernaculo sa Dios nga puluy-anan Niya dinhi sa yuta taliwala sa mga tawo, nga puno sa grasya ug realidad:

1. Manugo sa tawo ang kasugoan segun sa pagkamao sa Dios; sangkapan sa grasya ang tawo sa pagkamao sa Dios aron matagbo ang mga gipangayo Niya—v. 17.
2. “Nakadawat tang tanan sa Iyang kahupnganan, ug sa nagsapawsapaw nga grasya”—v. 16.
- B. Sa pagkahimo Niyang unod, nahimo Siyang pagkalawas sa Tulo-usang Dios, nga nagdala sa Dios nganha sa tawo ug naghimo sa Dios nga makontak, mahikap, madawat, masinati, masudlan, ug mapahimuslan.
- C. Nahimo Siyang Dios-tawo, nga nagdala sa Dios nganha sa tawo ug nagsagol sa Dios ug tawo.
- D. Ang pagpakatawo sa bugtong Anak sa Dios alang sab sa pagpaila (pagpatin-aw) sa Dios nganha sa tawo diha sa Pulong, kinabuhi, kahayag, grasya, ug realidad—v. 18:
 1. Ang Pulong mao ang Dios nga gipadayag, gipatin-aw, ug gibatbat aron makasabot ang tawo sa Dios.
 2. Ang kinabuhi mao ang Dios nga napaambit aron madawat sa tawo ang Dios.
 3. Ang kahayag mao ang Dios nga naghayag aron mahayagan ang tawo nga moambit sa Dios.
 4. Ang grasya mao ang Dios nga napahimuslan sa tawo aron makaambit siya sa Iyang kadato.
 5. Ang realidad mao ang Dios nga naamgohan sa tawo aron makasabot ug makaila ang tawo sa Dios.

IV. Si Cristo nga Pulong sa Dios namulong alang sa Dios pinaagi sa pagkahimo Niyang Cordero sa Dios aron magtubos—vv. 29, 36:

- A. Sa pagkahimo Niyang Cordero alang sa pagtubos sa nawalang kalibotan, namulong si Cristo kanato kon giunsa paghuman sa Dios sa Iyang balaodnong katubsanan pinaagi sa Iyang kamatayon nga palagianan sumala sa Iyang pagkamatarong.
- B. Nagtimaan ang Cordero sa Dios sa Pulong diha sa unod nga katumanan sa tanang halad sa Daang Tugon aron mahuman ang hingpit nga katubsanan sa Dios—Heb. 10:5-10:
 1. Si Cristo ang realidad sa halad tungod sa sala, halad tungod sa paglapas, halad nga sinunog, halad nga lugas, halad sa pakigdait, halad nga tinabyog, halad nga binayaw, ug halad nga ilimnon.
 2. Pinaagi ni Cristo nga tanang halad, masinati nato ang hingpit nga katubsanan sa Dios, ug masinati ug mapahimuslan nato kining pagtubosa.

V. Si Cristo nga Pulong sa Dios namulong alang sa Dios pinaagi sa pagkahimo Niyang Espiritung nagdihog nga magtransporma sa tinubos nga katawhan sa Dios nga mga bato (Juan 1:32-42) aron organicong matukod ang balay sa Dios (Bethel—v. 51) sa Bag-ong Tugon:

- A. Sa pagkahimo Niyang Espiritung nagdihog, naghatag-og-kinabuhi, ug nagtransporma (1 Cor. 15:45), namulong pa gyod si Cristo unsaon organicong mahuman sa Dios ang Iyang pama-tigayon pinaagi sa diosnong kinabuhi Niya alang sa Iyang diosnong tuyo segun sa gitinguha sa Iyang kasingkasing.
- B. Magtukaw gyod ta nga dili papulihan si Cristo nga Espiritung nagdihog sa atong espiritu sa bisan unsang butang sa inadlaw natong pagkinabuhi—1 Juan 2:20, 27:
 1. Si Cristo mao ang Dinihogan nga nahimong Tigdihog ug ang igdihog sab; ang pagkinabuhi sa prinsipyo ni anticristo pagbatok man sa pagdihog (nagpasabot ang *anti* og “batok” ug “puli sa, imbis”)—vv. 18, 22; 4:3; 2 Juan 7.
 2. Ang mahimong batok ni Cristo pagbatok man kang Cristo ug pagpuli kang Cristo og laing butang.

3. Kon pulihan nato si Cristo og iya sa kaugalingon natong ginawian ug karakter, gibatasan nato ang prinsipyo sa anticristo nga papulihan si Cristo mismo sa pila ka butang—itandi sa Fil. 1:21; 4:4-9.
 4. Maghinulsol gyod ta tungod sa pagkinabuhi nato adlaw-adlaw diha sa prinsipyo ni anticristo, ug sa pagpapuli nato ni Cristo nga sulodnong igdihog sa kultura, relihiyon, pamatasan, ug natural nga mga hunahuna; pagbatok kini sa pagdihog, pagbatok sa paglihok, pagbuhat, ug pagsurop sa Tulo-usang Dios sa sulod nato.
 5. Mag-ampo gyod ta, “Ginoo, buot ming magkinabuhi ug maggawi diha sa, uban sa, ug pinaagi sa pagdihog—ang paglihok, pagbuhat, ug pagsurop sa Tulo-usang Dios sa sulod nato.”
- C. Gipanganak pag-usab ang tawong linalang, gidihogan ug gitransporma ang natural nga tawo nga mahimong buhing mga bato, ug giusa ang natranspormang tawo sa salampati, kun Espiritung nagdihog.
- D. Sa pagkakabig ni Pedro gihatagan siya sa Ginoo og bag-ong ngalan, nga Pedro—usa ka bato (Juan 1:42), ug sa pagkadawat ni Pedro sa pinadayag bahin ni Cristo, gipadaygan pa gyod siya sa Ginoo nga Siya ang dakong bato—usa ka bato (Mat. 16:16-18); tungod ning duha ka hitabo nasilsil sa hunahuna ni Pedro nga si Cristo ug ang Iyang mga magtutuo mga bato nga alang sa pagtukod sa Dios (1 Ped. 2:4-8).

VI. Si Cristo nga Pulong sa Dios namulong alang sa Dios pinaagi sa pagkahimo Niyang hagdan nga nagdala sa langit (Dios) nganhi sa yuta (tawo) ug nagdugtong ug nagpausa sa yuta (tawo) ngadto sa langit (Dios) alang sa balay sa Dios—Juan 1:51; Gen. 28:11-22:

- A. Sa pagka-langitnong hagdan ni Cristo didto sa Bethel, namulong sab Siya nato nga nagtinguha gyod ang Dios nga makabaton og balay dinhi sa yuta nga hinimo sa tinubos ug natranspormang mga pinili Niya, aron madala Niya ang langit nganhi sa yuta ug madugtong ang yuta ngadto sa langit, aron mausa ang duha hangtod sa eternidad.
- B. Pinadayag ni Cristo ang damgo ni Jacob, kay si Cristo man ang realidad sa hagdan nga nakita ni Jacob didto sa Bethel, ang balay sa Dios—v. 12; Juan 1:51:
1. Ang gipanganak pag-usab nga espiritu nato, nga mao ang puluy-anan sa Dios karon (Efe. 2:22), mao ang patukoranan dinhi sa yuta nga gipatindogan ni Cristo nga langitnong hagdan (2 Tim. 4:22).
 2. Didto sa Bethel, sa balay sa Dios, sa puy-anan sa Dios, nga ganghaan sa langit, si Cristo ang hagdan nga nagdugtong sa yuta sa langit ug nagdala sa langit nganhi sa yuta; busa, moliso ngani ta sa atong espiritu, masinati nato si Cristo nga hagdan nga nagdalag Dios kanato ug nagdala nato ngadto sa Dios.
 3. Ang lugwa ni Cristo nga langitnong hagdan mao ang balay sa Dios—ang Bethel, ang iglesia, ang Lawas ni Cristo—ug ang kahingpitan ning hagdana mao ang Bag-ong Jerusalem.
- C. “Nagkinahanglan ang pag-anhi sa Ginoo sa lig-ong pagkatukod sa mga nagtinguha Niya. Usa ka tikanganan, kun lusaranan unya kining pagtukora nga mapanag-iya Niya ang yuta, ug mahimo kining masigkapuluy-anan sa Dios ug tawo. Panagsagol unya kini sa Dios ug tawo ug sa tawo ug sa Dios hangtod sa hangtod...Kinasang-ang katumanan unya kining pagtukora dili lang sa damgo ni Jacob, kondili sa walay kataposang plano sab sa Dios. Magtapos kini sa tulay sa panahon ug magpadangat sa bulahang umalabot nga eternidad. Alang gyod unta ta nianang balaya ug kita gyod unta kanang balaya!” (*Pagtuon-sa-kinabuhi sa Juan*, pp. 65-66).